

41

ANTONII MARIAE CAGIANO DE-AZEVEDO
NEAPOLITANI

SACRAE CONSISTORIALIS AULAE ADVOCATI
DE JUDICUM NATURA, DIGNITATE, AC MUNERE

DISSERTATIO

AD LEGEM *OMNES VI.*

CODICIS

SI CONTRA JUS VEL UTILITATEM PUBLICAM VEL PER MENDACIUM FUERIT

ALIQUID POSTULATUM VEL IMPETRATUM.



ROMAE 1824.

APUD FRANCISCUM BOURLIÈ

60

THE UNIVERSITY OF CHICAGO

LIBRARY

1900

1900

1900

1900

1900

1900



PONTIFICI OPTIMO MAXIMO

LEONI XII.

ANTONIUS MARIA CAGIANO DE AZEVEDO.

BEATISSIME PATER

Quemadmodum nulla civilis societas sine duce ac principe, quaecumque demum sit regiminis ratio, nullo modo consistere potest, ita sine legitima legum auctoritate, quarum applicandarum potestas integerrimis viris demandata sit, nullo modo poterit ad beatitatem administrari. Haec autem potestas eo majores vires ac

IV

quirit, quo propius accedit ad eum finem propter quem instituta est. Quapropter eo facilius ad felicitatem aperietur via, quo sapientiori consilio ejusmodi potestas inter ipsos iudices ac magistratus distributa fuerit, nec aliarum potestatum confusionem importet. Si quis igitur, ut ego sentio, pro virili parte vim auctoritatum nitatur ostendere melius nostra hac aetate, quam apud veteres esse distributam, is certe haud multum abhorrebit ab eo consilio quod humanitatis defensores sibi proposuerunt. Eo ipse spectavi cum Romanam Legem interpretatus sum, cujus explanandae exornandaeque mihi munus demandatum est. Hanc ego ipsam lucubrationem, BEATISSIME PATER, Tibi sisto. In qua illud etiam efficere volui, ut intelligatur, auctoritatis vim recto prudentique ejus usu contineri. Operae pretium igitur videor esse facturus si contendam ad illam unde curiosorum hominum culpa aberrarat semitam, revocare rationem, eamque hominibus ad officia sua obeunda veluti comitem ducemque praebere; quo perspicatur quae Judicium natura sit, dignitas ac splendor, et quo pacto ad commune bonum procurandum, eorum voluntas legislatoris menti consentanea esse debeat. Atque mihi sane persuasum est idcirco majus pondus hanc meam curam et operam esse habituram, quod in vulgus prodit Augusti Nominis Tui praeferens Majestatem. Hoc profecto Nomen erit mihi quoddam veluti scutum contra obtreptatorum livorem, qui nesciunt ea intueri, quae ab ingenii ipsorum infirmitate longe sunt posita; hoc me tuebitur contra eos, qui lucubrationem hanc fortasse despiciere poterunt, vel mole exiguam, vel non ea qua par est elegantia conscriptam. Illud etiam me vehementer oblectat, quod unus ex iis sum, qui primi Tuam sunt benignitatem exporti, et quod cum primum aliquid scribo, quod in hominum oculos venturum sit, clementiae Tuae munere, possim tanto inscriptum Nomini, munusculumque proferre. Quod enim Sanctitas Tua benigne dignata est excipere, quis huic audeat

contra gravissimum judicium Tuum obsistere? Atque ideo omni qua possum grati animi benevolentia, quae etiam proficiscitur a beneficio, quo Apostolica Sedes me, juvenili hac aetate, designavit Sacrae Tuae Consistorialis Aulae Advocatum, me ad Tuos Pedes abjicio, et Apostolicam Benedictionem expostulo.

1. The first of these is the fact that the
2. second of these is the fact that the
3. third of these is the fact that the
4. fourth of these is the fact that the
5. fifth of these is the fact that the

DISSERTATIO

DE JUDICUM NATURA DIGNITATE, AC MUNERE.

I. Certissimum illud est, veritatem ab populorum utilitatibus nunquam esse disjungendam; legumque cognitionem ad eandem perfectionem institutam, homines mutua charitate erga patriam ac societatem devincere. His ego nexus principiis, de Judiciis discerens, nihil aliud mihi propositum esse profiteor, quam ut nonnullas summatione recenseam veritates, quibus et eorum natura, dignitas, ac manera continentur; quum ut explicem quonam demum pacto, pro diversa regiminum forma, aut major aut minor ex his in hominum genus redundet utilitas. Quibus constitutis, nulla mora interjecta, ad rem propius accedo.

II. Civitatis felicitas omnis in publica securitate consistit; haec autem, qua perfecta socialis pax continetur, non aliud est, teste Augustino (1), quam imperandi atque obediendi ordinata concordia civium. Haec vero voluntatum concordia quum in civilis societatis membris, pro variis singulorum civium negotiis, ordinario desit, socialis ceteroquin ordo eam magnopere exposulet, nonnulla ad hunc necessarium nexum principia requirebat. Ast naturalis dependentiae nexus domesticis parietibus finiebatur; nec alios filius uxoris, praeter parentem virumve habebat rectores. Hinc opus fuit ad alios dependentiae confingere nexus, ut universalis regiminis ordo, homines inter constitueretur. Quod morale humanarum voluntatum vinculum suprema auctoritas est. Auctoritas itaque, quae ea gravissima ornatur gravitate, quam humanarum rerum conditio postulabat, unica vis et facultas est, ex qua universa civitatum gubernandi ratio profisciscitur: Vis et facultas, in personam physicam vel moralem, prout fert ejusque regiminis natura, collecta, penes quam summa est imperii majestas.

III. Idcirco hujus vis et facultatis gratia civilis Lex sanctionem habet suam, rerum vicibus flectitur, ac denique executioni mandatur. Haec est eadem ipsa facultas, ejus cum intersit in hominum voluntates vim suam immediate convertere, vel per obligatoriam legum opinionem, vel per ipsam vis exercitium, de personis rebusque decernit. De rebus, inquam, cum cogitis hominum necessitatibus, quae et proprietatis sunt, et ejus proprietatis usus, ita res cunctas per species dispergitur, ut insimul in singulas acere possit; ac proinde certam cohaerent rationem, qua res acquiruntur, servantur, amittuntur. Et dum efficit ut tuto his frui possimus, eorum virtutem pro circumstantiis definit, atque ut his omnibus cautum fit, vel contra cautionem ipsam exceptiones creat, velut in praedia indicationes. De personis decernit, prout eas vel insimul respicit universas, vel in certas distribuit classes: et quum humanarum actionum, quas ad praedefinitas normas pro lubitu dirigat, complexione opus habeat, modo naturalem erga priscae optimeque de patria meritas gentes, hominum observantiam verita ac legibus ratam habens, nobiles ac plebes determinat; modo apud multitudinem a justitia vim dividens, militum iudiciumque discernere facit; et hoc pacto varium personarum format statum, et conditionem. De personis disponit, cum de patriae inopinitate sollicita eadem patriae vel hostes indigitat vel amicos; et nunc eam ad arma compellit, nunc pacis fructibus

(1) De Civit. Dei Lib. XIX. cap. 13.

jubet frui. De personis deseruit, cum civium merita atque actiones dijudicans, vel beneficiis praemia largitur, vel poenas expetit malefactorum. De personis disponit etiam, cum id quod omnibus generationum vetitum est, publicae utilitatis ergo praescribit nonnullis, hique ipsius supremae auctoritatis particeps efficiuntur. De personis una ac de rebus demum disponit, cum, ut omnia ad praescriptum ordinem redeant, curat; ac quaestionum causas cognoscens et lites, summ unicuique tribuit.

IV. Hujus vero universae auctoritatis exercitium, quam praecisionis gratia ita singillatim divisimus, uno verbo nil aliud est, quam ratio et prudentia legum: quae et societatis custodiae et publicae securitati potissimum consulentes, summam potestatis integritatem requirunt, per quam principia inquirantur, unde publicum deduci bonum possit, et ratio elucescat qua id singulis distribuatur. Ea propter lex, et auctoritatis integritas una res est; si enim ullum lex finem habet, sua etiam refert, media, quibus is consequatur, habere comparata. Si hoc itaque pacto auctoritatem spectemus, haec natura sua distingui haud potest: et quoties Suprema Auctoritas a boni publici amore unice acta et impulsa constituitur, id continuo sequatur oportet, nihil hac regiminis forma perfectius esse posse. penes quod mens aequa, quae leges conderet, ipsa in earum executionem valide ineamberet, et de rebus recte atque integre judicaret. Id quod regimini domestico prorsus simile foret, in quo felicitatis et universae administrationis cura, ad patris familiae officium solummodo pertineret.

V. Civitatum autem magnitudo, multaeque voluntates quae ad imperiorum bonum cum legum prudentium consilio concurrere debent, effecerunt ne omnis potestatis exercitium in una persona perpetuo permaneret. Hinc divisionis faciendae necessitas cognita, haec facta divisio. Una autem earumque quae haec effecit, suprema auctoritas fuit; cum per eam vim et facultatem, qua de personis disponit, ex iis nonnullas auctoritatis suae particeps voluit, iussitque ut publicum gererent magistratum; ut privatam scilicet personam ponerent, et induerent publicam (1). Ast quanam auctoritatis species ea erat, quam dispertiri oportebat? Leges ferendi potestas haudquaquam. Leges enim perfectae, auctoritatis integritatem secum important. Harum vero legum applicatio actio est, quae singillatim facta respicit, humanarumque rerum vices, quae ut infinitae propemodum sunt, colliduntur saepius, atque adversa fronte pugnant; proindeque auctoritatem expostulant, qua componantur. Idcirco potestas quae jus diceret, potestas quae jus exequeretur, permixta secundariis auctoritatibus est: Magistratusque hoc pacto, supremum imperantem inter, et subditos, inter summam potestatem scilicet et vim, veluti quoddam vinculum sunt constituti. Et tunc in praesumptorum hominum juri collisione factum est, ut lex, quae aliud non vult, quam singulorum jura tueri, nonnullas actiones unicuique dederit, illud jus scilicet persequendi quod cuique debetur. Laesi juris cognitio, vel postulationis error, rei damnatio, et ubi fieri possit distractarum rerum vindicta, vis demum iudicii executionis, ea summae potestatis pars, quae legibus fulta, perspecto tamen multiplici ac propemodum infinito actionum, in quas versabantur, numero, judicariam efficit potestatem. Et revera facultas, quae in judicariam potestatem ab summa auctoritate profisciscitur, vel in personas est, vel in res: In personas vero, ut juxta legum praescripta vivant; in res, ne ab iis excant speciebus, ad quas eas pertinere leges voluerunt. En ergo quomodo judicaria potestas dum a suprema profisciscitur potestate, ab hac tamen praescriptis finibus continetur; et quemadmodum suprema auctoritas, quae universam civita-

(1) *Demosth. in Cor.*

his bonum uno veluti complectitur intuitu, si haec bono student, nec aliis concedit, nec potest concedere ullam, ne minimam quidem, suae potestatis partem in iis quae legumlationem respiciant; dum e contra a perfecta regiminis ratione haudquaquam dimovetur, cum iudiciariae potestatis exercitium a se solummodo sejungit.

VI. Eapropter minus apta, quin imo inutilis ea divisio est, quae inter tres potestates a plerisque fieri solet, in Legumlationis scilicet potestatem, Executionis, et Iudiciariam, tamquam singulae inter sese essent independentes: (1) Quam enim executionis potestas, ut ipse Montequieu ait, ea sit, qua pacis focus feritur, vel bellum indicitur, quae legatos accipit, mittit, securitati studet, hostiumque divertit incursiones; equis non videt, quantam actus hi cum legislationis potestate relationem habent, et dependentiam? Nonne in bello universi cives jubentur habere ut inimicam, eam nationem quae antea non erat? Hoc vero, quod edocetur populus, nonne per legem fit, per legem inquam eo tunc opportuniorem, cum poenae, vel necessario constitutae in illos, quorum opera, dolo malo hostes comestu, telis, equis, pecunia adiuti erunt, (2) ut apte insistantur in facinoris quaestione, legitimam postulant belli declarationem? Et societatis custodia ac securitas nonne legum finis est, et compendium? Et quod ad iudiciariam potestatem attinet, lubens concedam sane, eandem esse, quae in crimina animadvertat, ventiletque singulorum civium controversias. At vero, nonne certum aliunde est, vim iudiciorum, eorumque perennitatem, e legum peni proficisci? Et litigantes continenter obstrictos esse, qui et recolant, summaque in iudiciaria potestate eam legislationis potestatis emanationem observantia prosequantur, cujus potestatis ergo iudicium sententiae acquiescunt? Nonne Legum vi, incolumes hae permanent relationes? Atqui ea divisio, quam opportunitas postulavit, omnimodam ab potestatum summa dependentiam, ac nexum divellere haud potest. Aliud est supremam auctoritatem posse sua potestate suisque iuribus quandoque abuti, aliud vero est huiusce potestatis cumulum non posse eodem in loco consistere. Tum vero harum proprietatum fieret abusus, cum eadem legislationis potestas improvide dispersita reperiretur; quum scilicet non exercitium, sed ipsum ipsam unitate quadam destitueretur. Tunc demum socialis nexus, ordo, unica civitatis gubernandae ratio deficeret. Quale enim monstrum vel ipsa non proderent regiminis fundamenta? Haec illa est partitio quam unquam invenio perniciosissimam reipublicae. Atque ita, quasi sua sponte mihi sese offert occasio adnotandi, iudices de quibus loquor, non esse quicumque de aliquo dubio in suae administrationis negotiis iudicium ferant, sed eos unice appellandos iudices esse, qui legibus dantur, et ab hominibus expetuntur, ut sua unicuique tribuant. Cui rei recte respondet *jus dicere*, unde Varro (3) doctissimus Romanorum, *iudicis* vocabuli ducit originem.

VII. Eadem rationes autem, quae iudiciariae potestatis divisionem suaserunt, fuerunt etiam in causa, ut pre majori reip. commode, ejusdem potestatis exercitium divideretur. Et velut agricola qui, non modo vertere terram deberet, sed manu sua sibi condere aratrum, et e montis visceribus per se necessarium ferrum effodere, haud multum reliqui haberet temporis ad terram colendam, laborumque suorum fructus percipiendos, ita sane ille esset iudex, qui deberet non modo in facti et juris cognitione versari, sed singulis litigantium postulationibus per se satisfacere, is inquam vel perfecte *jus non diceret*, vel redderet paucis; ita facile intelligi potest, sapientissime, prudentissimeque ipsam iudiciariam auctoritatem fuisse divisam. Atque

(1) *De l'Esprit des Loix* Liv. XI. chap. 6.

(3) *Lib. IV. de ling. lat.*

(2) *L. 3. D. ad L. jul. maj.*

hic juvat distinguere judicis officii naturam ; a natura exercitii potestatis. Quod ad primam attinet, ex iis quae dicta sunt, quid sit liquet ; natura nimirum omnibus et aequae semper communis, quia ab illius necessariae potestatis natura profecta, a qua, ut a vi motus, spiritum et formam accipit vita Civilis. Quae tamen forma, eum pro temporum ratione varia esse possit, varium etiam ejusdem potestatis exercitium efficere potuit. Quibus positis, de judicium natura, relate ad exercitium, verba conari facere, non est nisi huic inherere divisioni, quae fuit et adventitia esse pro regiminum ratione : Cum enim potestas judiciaria supremae potestatis sit emanatio ; facile potestatum divisionem invenies, sed non uno eodem pacto institutam. De qua re testimonium profecto perhibet Anastasii Augusti Lex, quam Justinianus regulit in Suum Codicem Lib. I. Tit. XXV. num. 6. ; Cujus explanandae declarandaeque provinciae mihi demandata est, et de qua ut hic disseram ab ipsa vocor rei opportunitate. Favete animis, et legis verba proferamus. „ Omnes enimque majoris vel minoris administrationis universae nostrae reipublicae iudices monemus, ut nullum rescriptum, nullam pragmaticam sanctionem, nullam sacram annotationem, quae generali juri, vel utilitati publicae adversa esse videatur, in disceptione ejuslibet litigii patiatur proferri ; sed generales Sacras Constitutiones modis omnibus non dubitent observandas. „ Cum ergo hac Lege Romani imperii iudices, leislatoris mentis ejusque justitiae scrutatores sint constituti, liquet manifesto quantum eorum immodica potestas, ab illa distet quam nostri tenent iudices.

VIII. Cur vero univique illorum judicium id negotii dabatur, ut rationes quibus ad dandum rescriptum summus adduceretur imperans, quod licet adversum legibus, attamen vel ipsa latio sine arcere vim legum poterat, vellicarent ? Quatenam, opinor, nova isthaec potestatis divisio, quae ad hunc miscebat motum summam potestatum ? Et quatenam haec auctoritas fuit, quae prudentiam suam judicium prudentiae postposuit ? His apte quaestionibus satis velle facere, opus plenum alicui et periculorum est. Ipsa enim rei natura et insoles elamat, ut ostendatur in Civico Romanorum systemate, perfectam nunquam in potestatis exercitio divisionem fuisse factam, tantamque auctoritatum confusionem fuisse, ut nimii laboris opus aggredieretur is, qui aliquam in iis formam se deprehendere videretur posse. Illud autem potestatis aequilibrium quod maxime miratur Montesquieu (1), et De Beaufort (2), non efficit qualem ut concludamus ; omnis potestatis naturam apud Romanos fuisse perspectam ac distributam ; verum eo tandem nos ducit, ut dicamus omnium potestatum cumulum, quem et Senatus et Populus vindicabant sibi, Senatum inter et Populum ita libratum fuisse compositumque, ut, si forte verum est, singuli tantam obtinerint partem, ne alterius pondere opprimerentur. His antem incommodis, quae, quo fieri potuit, remota per hujusmodi aequilibrium sunt, plenius et melius tantum fuisset, si prudens potestatum divisio intercessisset. Et quoniam aequilibrium illud aequa auctoritatem lance ponderabat, nec tamen ea distrahebat arbitria, quae scilicet ex potestatis legum ferendi, eas exequendi, ac judicandi confusione, in innumeris Magistratibus multiplicata erumpbant ; itaque per rectam potestatum distributionem Legislativa potestas, certos secundariis potestatibus limites praescribens, arbitria divelleret, et legum caveret incolumitatem ; quae eadem singulis iudicibus essent, utpote quae ab una potestate proficebantur : Tum denique aequilibrium illud esset prorsus inane futurum. Quapropter non de potestatis aequilibrio dicam ; de aequa potestatum divisione, quae alioquin nequit fieri, nisi ab ipsarum potesta-

(1) *De L'esprit des Loix* Liv. XI. Chap. 18. *nôval de l'ancien gouvernement de Rome*. Liv.

(2) *La republique Romaine* ; ou plain gè. 8. chap. 6. art. 3.

tum natura, ut supra vidimus. Ex hoc non sequitur tamen, legislatorem aliquarum causarum, veluti quae graviores sunt, cognitionem suo iudicio vindicare haud posse: Hoc ratum vero sit, ubi iudiciaria potestas, quae a summa potestate magistratibus secundariis tributa est, cum ferendarum legum potestate iungatur, monstro euidam simillimam eam rempublicam futuram.

IX. Quod tamen reapse Romani distributas potestates habuerint, nemo inficias iverit: Verum quatenam divisionis huius indoles fuerit, videamus. Diximus iudiciariam potestatem in personas agere, ut vero juxta legum praescripta vivant; de rebus decernere, ne ab iis exeant speciebus, ad quas eas pertinere leges voluerunt. His addam modo, universam aliam omnem potestatem in iudicibus, non esse nisi confusionem quamdam, iudiciariam potestatem inter et summam erumpentem. Percurramus ergo leviter Romanorum Magistratum historiam, et videamus num inveniri aliquid exempli possit, unde constet, utrum haec iudiciaria potestas intra suos semper contenta fuerit fines, an in alienam messem foede fasces immiserit. Atque ut missos faciamus Consules, in quorum commendatione excipere quis posset, contendereque, quia maxima imperii pars in eis resideret, eo etiam Reipublicae initio iudiciariae potestatis partem aliquam sibi vindicasse; pedem sisto in Censoribus. Magistratus hic, qui de vita et civium moribus iudicium exercebat, atque moderabatur universa quae bonam vel malam hominum conditionem faciebant, armatus erat potestate, quae eum summa auctoritate miscebatur. Si enim summae potestatis est, quibus lubet classibus accensere cives, ut universis insinuat sumptis vim suam exercere possit; neque his limitibus contenta censoria auctoritas fuit; et nullis certis obstricta legibus pro arbitrio coercerebat patriciorum plebejrumque conditionem: Et dum hi certis, legum gratia, acquisitis iuribus fruebantur, per luxuriantis potestatis arbitrium, his expoliabantur iuribus. Incommodum tam insigne, ut vel ipse Tullius pro Cluentio magnopere quaestus sit. Ad Praetores veniamus. Hic magistratus, qui non fuit nisi laetatae pars consularis potestatis, (1) novum confusarum potestatum annulum attulit. Forsitan verum est, quod ab Ad. Ferguson assertitur (2), tum factum fuisse, ut iudiciaria potestas, ab executiva, prout Anglus hic auctor loquitur, disjuncta esset; At nonne tum etiam factum est, ut Praetor una et iudicis haberet partes, et legislatoris? Index erat in iure; Contra vero de factis sententiam non ferebat (3); quocirca Legislatoris auctoritate induebatur, qui et iudices daret, eisque praescriberet ut juxta Leges jus dicerent, quas ipse annuam in Edicto proponeret: Nullae victus legi, nisi prudentiae suae et honestati. Accidit quandoque etiam, ne in privatis diutinat negotiis ejus versaretur potestas: quin imo publica invasit; ejusque rei argumento praestante caeteris est, quod C. Verres, Catulo et Lepido Cons., fuerit praetor urbanus, et quaesitor veneficiorum. (4) Et pedanej iudices, et iudices questionum, ejusmodi naturae ipsi fuerunt? Si in re dabatur, si eos executionis auctoritas deficiebat, si quam suam sequerentur, mentis potius jurisconsultorum studebant, qui eis in consilium aderant (5); si varia semper fuit electio, ob leges Semproniam C. Graechi, Servilianam Caepionis, Servilianam Glauciae, Liviam Drusi, Plautiam Silvanii; si eorum numerus nunquam certus fuit, ut saepius testatur Cicerō (6); si eorum creatio in Praetorum vel Praesidum manu posita erat (7); quoniam, inquam, pacto

(1) Quintil. Lib. VI. Cap. 3.

(2) *Recherches historiques et critiques sur les causes des progrès, et de la chute de la rep. romaine. Liv. I. chap. 3.*

(3) Nood de jurisd. et imper. I. 8.

(4) Sigon. de judic. Lib. II. Cap. 4.

(5) Gellius noct. att. XIV. 2.

(6) In Pisonem et pro Cluentio.

(7) Seneca de Beneficiis III. 7.

certain eorum naturam investigabimus, certumque eorum munus, quoad judicia, considerare possumus ab summa auctoritate profectum? Negari enim non potest, satis iudici non esse, ut simpliciter facta cognoscat. Facta quae iudices quaerunt ea sunt, quae ad leges referuntur; ideo eorum cognitio est legis oculis informanda. Est testamentum. Est furtum. Ast illud irritum est, hoc legis sententia damnari nequit, nisi quaedam intersint circumstantiae: Lex ergo, non iudex facta cognoscat. Atque ut clarius loquar, iudicis est, perspectam antea legis sententiam tenere, hinc factum cognoscere. Qua autem ratione haberi ut iudices possunt hi, qui his luminibus deserebantur? Et ablegata ab se negocia ad Centumviros, ut praedictiores, deferbant, cum praeter factum jus etiam in quaestionem caderet (1)? Quid porro de Tribunis dicam, eo scilicet Magistrato, qui ad tollendam gravissimarum sententiarum executionem aptissimus reperiebatur (2)? Nonne per illum potestatum confusio in immensum crevit?

X. Ad Imperatorum autem tempora gradum faciens, Praefectus praetorio potestas quanta non fuit? (3) Quae in hoc ipso Magistratu auctoritatum confusio, iudice una, et plus quam imperante? Et plus quam imperans, inquam, cum Trajanus Augustus ei gladium committeret, quo si recte imperaverit, pro se uteretur, sin minus contra se verteret (4). Nostra non interest ut historiam conscribamus: Satis percurrere est et summam recensere nonnullorum Magistratum potestatis extensionem. Ideoque misum facio Praefectum Urbi, qui in praetoris locum suffectus est, (5) ad quem ex cunctis inferioribus auctoritatibus provocabatur, qui in Senatores iudicium exercebant, et proximos Caesaribus honores in curia occupabant, et qui tamen tot subit reformationes, ut nihil aliud videatur concludi posse, nisi potestates in infinitum semper exercuisse. Praeterea etiam Quaestores, de quibus, Cassiodoro testante, (6) ita vel ipsi Principes loquebantur. „ Si quid dubium, tamus a Quaestore requirimus, qui est thesaurus famae publicae, armarium legum paratum, semper ad subitum adesse in eo debet scientia juris, cantela sermonis, ut nemo, debeat reprehendere, quod Principem constiterit censuisse. „ Quo ergo in maximo negotio horum arbitraria potestas immittere fasces non poterat, cum eorum consilia, quae tanto habebantur in honore, omnia poterant in pessum vertere? Nec verbum quidem facio de Praesidibus; quibus a Diocletiano facta facultas est, ut causas cognoscerent universas (7), subalternos iudices crearent, et liberales causas viderent semper et finirent; veluti qui, non solum tamquam iudices de contestatis litibus iudicare deberent, sed ut tamquam Magistratus summae participes potestatis, eorum posset facultas actus nonnullos status civilis decernere, qui vel mutabant, vel personarum conditioni consulebant. Nec de Proconsulibus dicam, qui extra urbem voluntariam iurisdictionem ubique exercebant (8), iudices una et potestatis participes, quae non multum a suprema differret, sicuti reipublicae temporibus penes consules fuerat (9). Si leo demum de aliis provinciarum Rectoribus, Comitibus orientis, Consularibus aliisque, qui

(1) Quintil. Lib. IV. L. 2. §. 24. D. de orig. jur.

(2) Cicero Quaest. Accad. IV.

(3) L. 1. de Off. Praef. P., L., 1. D. quod quisque jur.

(4) P. Naudet Des changemens opérés dans toutes les parties de l'administration

de l'Empire Romain Chap. 4. art. 1. I. partie.

(5) Graevius Antig. Rom. Tom. 7.

(6) Variar. Lib. VI.

(7) L. 2. D. de pedan. jud.

(8) L. 1., 2., et ult. D. de Off. Procons.

(9) Aug. Campianus de Officio et potest. Magistrat. Rom. f. 312.

7
eam omnem in se potestatem colligebant, qua Consules, Praetores, Praefecti, alique Magistratus omnes in Urbe fruebantur. (1) Magistratus nimirum, qui ita perturbate suprema et iudiciaria potestate armati erant, ut posita potestatum divisione a nobis constituta, cognitisque horum Magistratum muneribus, quae passim et in Romanis legibus, et in antiquis scriptoribus leguntur, quisque fateatur necesse sit, ius Romanum in iustitiae administratione nunquam habuisse cognitam tam opportunam divisionem in potestatum exercitio.

XI. Ast quonam pacto prudenter inter Magistratus distributa esse potestas poterat, si hos ipsos inter, et populum permixta erat et confusa? Lex Valeria V., quae nuncique privato homini, certis argumentis fulto permittebat, ut armata manu numquamque nova in rempublicam molientem occideret, haec inquam lex dabat, opinor, singulis publicam in personas auctoritatem. Et iudicia extra ordinem, (2) quae ex legibus publicis non oriebantur, sed in quibus quaerebatur de criminibus de quibus nullae leges erant, demonstrant insuper quandoque etiam attributionum collisionem exoriri debuisse inter iudices et Senatum. Et turpis illa consuetudo, qua Cives Romani propriam libertatem vendebant, (3) effecit ut hac ratione personarum status constitueretur, et ut necessario iudiciaria potestas cogeretur, ita divisas hominum conditiones, summo cum dedecore ac nota, probare atque permittere. Religio etiam iis omnibus praesto erat, quam Vestalis preces audirentur, et pro ejus postulatis decerneretur. (4) Nonne summae potestatis est, a legum severitate quandoque recedere? Et consuetudo eo culta, quia perfectiores normae subrogari haud poterant, nonne vim legis moribus vulgique opinionibus dabat, quae pro singulorum negotiis variae erant, eamque ut ratam haberent singuli Magistratus obligabant? Et Magistratum natura, ordinariorum quantoque, quandoque extra ordinem; et Urbs quae jure merito Imperii exceptio poterat dici; et Provinciae, quae divisa reipublicae temporibus, Caesarumque aetate divisa, certam administrationis formam retinuerunt nunquam; et dum Provinciarum Praesides in illis Praetores erant, ab Urbanis Praetoribus poterant judicari; haec inquam omnia, nonne faciebant, ut omnis potestas vel sublimis esset, vel humilis, culta vel conculcata, nunc fulta legibus, modo ejus, qui eam exercebat libidini dedita? Et cum necessario jurisconsulti iudiciis alesse deberent, nonne hoc pacto ipsis etiam iudiciaria potestas tributa est? Nonne et hoc argumentum est, iudices non solum non creatos a legibus fuisse, neque ipsos earum legum cognitores, sed incertae potius potestatis homines? Hinc jure agebat Cicero pro Murena „tot homines per tot aetates constitui, tuere nondum potuisse utrum iudicem an arbitram dici oporteret“.

XII. Quibus positis, non est ut negem in hac imperfecta potestatum distributione, iustitiam saepe uniceque redditam fuisse, vel Romani imperii res summum attigisse culmen. Quam vero aliquae rationes vel incrementum vel ruinam illius efficientes fuerunt in causa, ut quibusdam componeretur formis, ita his causam plaacet tribuere discrepantiae huius, et potestatum confusionis. Formae quae ex variis, quibus obnoxium imperium fuit constitutionibus, indelem suam mutuuntur, et a legum imperfectione. Quae duo potissimae rationes sunt, quae effecerunt, ut nosci haud posset, vel deberet, quo pacto certi auctoritatibus constituti fines, et sapientes immutabilesque leges tutissimam dent cautionem Reipublicae incolumitatis. Et quoad primam: Romani qui nunquam liberi fuerant, eo quod reipublicae bonum ipsis non

(1) L. 9. D. de Off. Procons.

(3) L. 3. D. de Lib. caus.

(2) Graevius Animad. ad Sigon. Antiqu. Rom. Tom. 2.

(4) Tacit. Annal. Lib. XI. Cap. 82.

fuit, nisi sua cuique privata res et amor; amor qui si quiesceret dum externi gliscerent hostes ad arma provocabant. majori cum impetu in otio domique effervescebat; et eo quod, si patricii erant acciri poterant coram adversaria plebe, cui pro lege unice erant arbitria, multitudinis propria suppellex; et si plebei, in Centuriatis Comitibus cernebant contra se ipsos praesentes, leges sanciri; Romani qui leges oderant; oderant autem quia ordines hi qui eas ferebant, propriae auctoritatis servandae studio, perpetui inter se hostes erant; Romani, inquam Reipublicae temporibus ob hanc sollicitudinem ipsam secum dissidentes, modo auctoritatem dabant, nunc tollebant, modo augebant, nunc constringebant; Ordinarii enim Magistratus ab his qui erant extra ordinem quasi ad nihilum redigebantur, hisque autem Magistratibus extra ordinem sublatis, ii denuo quasi post limitio restituebantur, hi autem fines, qui a studio profecti propriae conservandae auctoritatis, publicae alicubi securitatis cautio fuissent, Romanae opus aëae et periculorum plenum esse debebant; quoniam Magistratus legesferendi potestati manus admovebant; ideoque certi iis non erant limites, qui alibi legibus praescribantur. Et licet leges ferendi potestas, omnium Civium propria putaretur esse, nihil tamen secius satis tunc ostendebant, se ne intellexisse quidem quid facultas illa importaret; Non enim populus novas proponebat Leges, et ad annum usque DCLVI. V. C. quo C. Cecilius Nepos et T. Didius curarunt, ut pro legibus novae promulgationis formulae haberentur, populis rata faciebat ea, quae ut dijudicaretur utrum utilia essent nec ne; ne satis quidem temporis ipsi dabatur (1). Et cum nisi ad legum lationis potestatem pertinent Magistratum institutio, quoniam legis potior cura esse debet ut sibi met caveat, et cum praemia largiendi auctoritas germana summus sit potestatis, utpote quae his ad bona facienda allicere muneribus debeat; tamen penes Senatam semper jus fuit pro libitu Dictatorem creandi, atque hac ratione populi Magistratibus omnem abrogandi potestatem, ut ad arbitrium suum eam regeret: nusquam Senatus, qui et de bello ac de pace vivebat, et Duces nominabat, ipse etiam triumphi honorem decernebat.

XIII. Partim perturbatio itaque, animos disponebat ad hoc, ut ejus communis potestatis usui remitterent, qua nunquam, praeterquam paucorum voluntatis obsequendae studio, utebantur. Necessitas demum docuit, multorum potestatem in unum colligendo, non enervatam iri Rempublicam, futuram ino diuturniorem potentiorioremque, eo quod maxima obtemperantia legibus futura esset, sententiae faciliores, negotiorumque gravium celerrima executio. (2) Hinc Imperatores. Hi vero, juxta philosophum, caeteris hominibus vel virtute vel consilio non praecesserunt, uti praestiterant auctoritate: Eorumque vitia, raro paucis aliquorum virtutibus repressa et condita; eorum numerus, qui insimul rempublicam gubernarunt, quique sub Galieno XXXII. evaserunt; patria demum extranea, quae tot tantosque parum Reipob. vinciebat; haec inquam omnia regimen quoddam effecerunt, quod nunquam certo sciri poterit ad quamnam regiminis speciem sit referendum; cum praeserim infinitam potestatem militibus habentibus et pro arbitrio et medio Augustos tollentibus, aliquam democratiae formam praeserferret; et cum Imperatores omnia ad libidinem vertebant, ad effraenem tyrannidem rediret. In tot itaque tantisque varietatibus, quomodo potestatem constantem distributionem nosceres, tutasque regulas invenires, quibus ejus distributionis vim, extensionemque definias? Quid vero de legibus dicam? Nec mihi est in animo quidquam detrudere laudibus velle, quae legum Romanarum corpori, jure meritoque optimo tribuantur. Verum quia leges ex necessitatibus

(1) *Levesque Histoire Critique de la Rep. Romaine* Tom. 1. p. 211.

(2) *Paolo Paruta Discorsi Politici. XIII.*

sunt, haecque necessitates quandoque novae fuerunt, leges ergo Romanae, quae hoc pacto conditae sunt, licet plerumque in se aequissimae videantur, et sint; ea tamen prudentia fultae non erant, ut investigare possent, et constituere recta civitatis gubernandae rationis principia. Has interpretandi facultas atque custodia, cum in primis penes Patricios esset, horum intererat eam in arcano condere, quoniam hoc pacto sanarum decisionum rationem non reddebant; et haec ipsa Arcana circa gubernandae civitatis modum, sub imperatoribus permanserunt (1). Nec vero Romanae Reipublicae tempora vicesque, ut optimae fererentur leges permiserunt. Ineluctabilis, pene dicam, bellorum necessitas, quibus sepe detinebantur, ea peperit instituta quae interdum ferociam olebant, atque inhumanitatem. Cujus rei, unde potior ratio desumi posset, quam ex duodecim tabulis, quibus debitor qui solvendo non esset, creditoris mancipium efficiebatur? et quae facultatem dabant in Tyberim prociendum eos, qui morbo inutiles effecti essent. (2) Hinc leges protulerunt, quae in vis exercitio, vel ipsam sanxerunt abusum; hinc abusus in civium classium divisione; hinc abusus in bello et in pace; et hic ultimus actus, quasi publica indignus extimatione, minus habebatur in honore, eo quod infima corona, Laurea scilicet, donabantur illi, qui cum hoste transigebant: hinc abusus in poenis, in proprietatibus. Hinc forsitan illud profectum est, melius esse ab optimo gubernari viro, quam ab optimis legibus, quia optimarum legum utilitas non adparebat. Mirari hinc desino saevitiam Marii, Sillae crudelitatem, immanitatem Triumvirorum; eam enim capitis poena multari cives Romani haud possent, nisi lex vel plebiscitum intercessisset, humanarum rerum condiciones latrocinium proditorumque advocabant contra noxiam indulgentiam, a falsis principibus profectam imperfectae legislationis. Hinc eloquentiae necessitas eluocet, qua uterentur Romae Oratores, eaque efficerent, ut illi rectae rationis principia adhi, quod unusquisque capax est, vel contra leges ipsas regiminis vium flacterent atque constantiam. Obligatio demum qua adhibebantur iudices, ut juris peritorum responsis inhaerent, ut Augustus jussisset, qui formalis Senatus, jurisque peritorum vocibus voluntatem suam pro lege ponebat, declarat abunde, quantum arbitrii et fraudis in justitiae administratione, ipse legibus permitteretur. Ex his etiam adparet quomodo tutis destituti regulis iudices, hantiquam constantem tenere potestatem possent, cujus naturam nobis nunc colligere liceat.

XIV. Ideo sicuti variae Reipublicae, Imperiique constitutiones, fuerunt in causa, ne apta auctoritatis partitio esset; ita legislationis systematis imperfectio attingebat ad suam nam saepe saepius auctoritatem interpellandam, quae et nova in dubiis rebus effunderet lumina, novaeque sanctiones proferret: Et tunc profecto ex regiminis forma novae iterum imperfectionis faex existeret, atque origo: Lumina enim et sanctiones quae in melius adducebantur, juxta varietatem hanc sanciebantur. Et ne certos nimium disserendo lucubrations nostrae limites egrediamur, satis est argumenti gratia, in scribentium Magistros paululum animadvertere, qui Romanis imperatoribus proxime adstabant, nec adstabant solum sed tamquam Magistri memoriae principum annotationes dictabant, tamquam epistolarum Magistri orationes principum componebant, tamquam Magistri libellorum ea quae princeps datis libellis jussisset rescriberebant, (3) atque ita abati poterant potestate in omnes imperii subjectos: quosque revera abusus fuisse testatur Zeno la-

(1) Tacit. Annal. Lib. 1. Cap. 39.

(2) Quintil. Lib. XIII. Cap. 6. Gell. noct. Att. Lib. 20. Cap. 1. P. Bouschaud Com-

mentaires sur la loi des douze tables.

(3) Gutherius de Officiis Domus Augustae Lib. 3. Cap. 3.

perator, qui (1) cinguli amissionem minatur iis, qui illicite dictata scribere ausi fuissent. Mirari ergo quisque desinet, opinor, si hac perspecta imperfectione quae illa regiminis forma continebatur, videret ab Imperatore Anastasio cautum fuisse, ut ipsis generalibus constitutionibus principum rescripta posthaberentur, quoties iis adversantia deprehenderentur. Tunc sane perspectam omnibus voluntatem fecit suam, omnimode ad bonum publicum vergentem, contra quodcumque rescriptum quod inique sanciri potuisset. Nec ipse unus hoc aequitatis studio incensus tantam legem promulgavit; Ab Imperatoribus enim Diocletiano, et Maximiano (2), et a Constantino (3) crebro sancitum fuit, non licitum esse justitiam laedere principum rescriptis obtemperando, quoties reipublicae perniciem inde afferri intelligeretur: Et Theodosius Senatus expresse declaravit, rescripta contra jus elicta ab omnibus iudiciis refutanda esse, se, . . . (4) Nec minus diserte id in L. unic. C. de S. C. denuo edixerat. Et Sanctus Ambrosius ab eodem Augusto curavit, ut sanciretur, eos, qui imperialibus mandatis famulantur, ad trigesimum usque diem executionem protrahere suppliciorum, quae Imperatores jusserint, ad hoc, ut hoc temporis intervallo si esset poenitentiae locus, non inutile esset (5). Licet vero tot fuerint sanctiones ante Anastasii aetatem a plerisque principibus constitutae, attamen dubium quod Matronianus Praetorio Praefectus Anastasio proposuit, cujusque gratia lata lex est de qua disserimus, iterum declarat Romanarum legum vitia. Complexui enim juris Romani mordicus inhaerere, inerrantiae profecto viam non sternebat. Nam difficile est juris peritos prudentissimos latuisse tantum in jure varietatis inveniri, ut omnes amoverentur difficultates. Re sane vera cautio adhibita, atque instituta erat, ut in legum dubietatibus Principis voluntas cognosceretur; et Imperat. Valent. et Martin. sic rescripserant, Si quid in iisdem legibus latum fortassis obscurior fuerit, oportet id ab imperatoria interpretatione patefieri. (6) Cujus rei causam postea Justinianus reddidit, si enim, inquit, leges condere, soli imperatori concessum est, et leges interpretari sole dignum imperio esse oportet. (7) Itemque Ulpianus docuit, quod Principi placuisset, legis habere vigorem. (8) Haque Imperatores Constantinus in L. 1. C. de Leg. et Theodosius in L. 3. C. eod. diserte declaraverant. Verum quidem est, et Vinnium, (9) et Gudelinum has leges secum componere; In lege enim I. Cod. de Leg. ajunt, non esse Imperatoris consilium ut nemini quam sibi liceret, jus ad normam aequitatis secundum mentem legislatoris exigere, sed tantum prohibere ne praetextu aequitatis a jure sen lege, menteque legislatoris recedatur, quoniam id non est, legem aequi, sed eam mutare. (10) Ast si tot jurisprudentes oleum operamque perdere conati non essent in conciliandis tot romanis legibus, ut pro ingenii magis exercitatione fecerunt, quam studio veritatis, eo magis illustres essent defectus, de quibus adhuc disserimus: Idque firmissimum tandem erit, Romani juris Corpus sacrarium esse et thesaurum omnium quae, foris, quae domi, quae privatum, quae publice, bello, pace, in iudiciis, in jure, in senatu, in Comitibus apud principem sapienter aut temere facta sint, a summis, mediis, infimis ut, sapientissime a Gherardo Nood adversum fuerat. (11)

(1) L. ultim. C. de divers. rescrip. etc.

(2) L. 4. C. de emanc. liber. L. 16. C. de transc. L. 3. C. de rescind. rendit.

(3) L. 2. C. de praec. imper. Off. etc.

(4) L. 7. C. de praec. imper. offer.

(5) Sozomen. Hist. Eccles. Lib. 7. Cap.

24.

(6) L. 9. C. de Leg.

(7) L. ultim. C. eod.

(8) L. 1. D. de Legib.

(9) Quaest. Sect. Cap. 2.

(10) De Jure Novis. Lib. 5. Cap. 2. Bart.

Paul. de Castr. Salyc. in glossa.

(11) Dissert. De Civili Prudentia

XV. Nos vero, quod felix, faustum, fortunatumque sit, eorum luminibus, eorumque progressionibus edocti, nec non ad summa quibus laborarunt incommoda mentis acrius converterentes, nostra correximus regimina, atque ad meliorem formam institimus: Perfecta enim cognitio ex animadversione harum rerum, quae nobis, vel similibus nostris eveniunt, atque evenerunt, originem ducit. Quam quidem in rem ex sanctitate caelestis doctrinae, qua Christiana pollet religio, plurimum commodorum derivasse, ingenius quisque mecum fateatur necesse est. Hinc cognitum est si plurium hominum ordini nimia relinquatur potestas, ut apud Romanos factum est, hanc agendi rationem ad regiminis bonum haud posse conducere. Hinc publicam in discrimen vocari securitatem patefactum est, vel propter actuum veterumque Legum incertitatem; vel propter affraenem omnia pro arbitrio gerendi cupiditatem; vel propter naturalem hominum improbitatem, qua fit, ut nulla, quid aliū sentiant, ratio habeatur; vel propter necessitudinis vincula, quibus persaepe veri cognitio posthabetur; vel propter facilitatem qua assentatoribus via patet, quod pessimum servorum genus est; vel ob praesudicium, ut ita dicam, nimiae ac inopportunae venerationis erga institutiones illas, quae quid antiquitatis redolent; et ob quas quaelibet, licet necessaria innovatio, religioni vertitur; vel ob habitum juris fictiones struendi, ad quas omnes iustitiae rationes comparantur, et ad quas cuncta revocare impudenter aequitas appellatur, vel demum quia aliquis mentis acies non satis firma, res aliquin certissimas incertas faciet, et cuncta arcanis accenset; quin justum et aequum, ut par est, dispiciat, et ex disparatissimis deductionibus, tanquam rectum principium aliquod ratum facit, quod nulli praeterquam arbitrarie arguementandi rationi, inuitur fundamento. Et ita tot ac tantis, quae usu venire possant penes iudices, perspectis incommodis, adhibita in auxilium Lex est. Haec est reperta temporibus, hominibus, circumstantiis, et opportunitatibus apta et idonea. Quae antiquitatem redoleret non funditus sublata sunt; animadversum tamen est quae nobis modo antiqua videntur, nova ex majoribus nostris fuisse. Hinc necessitates nostrae prudenter consideratae sunt, data proprietatibus cautio, publica iuncta securitas, hominum status in tuto positi: et cum Romanos civitatis ius ad patrandum crimen impelleret, nostris temporibus item grati animi sensum erga illam beneficam manum excitat, qua regimur et gubernamur, nosque ad benemerendum de patria promptiores reddit et alacriores. Hinc cum rebus nostris aptatae leges sint, nihil de summa potestate detraxit magistratum potestas. Singulis eventibus generales leges applicando, quas Suprema Auctoritas tulit, id quod in iure est *judicare*, ipsi non iudicant, nisi legum nomine et Imperantis. Coniunctio potestatum omnium, quadam ratione, servatur integra, quoniam qui sine iure iubendi executionem legum imperat, in eo stricte dici non potest, potestatis partem residere: Qui dicit, ego iudico, quia haec est lex, haec meas est summae auctoritatis, is profecto dicit, non se eum esse qui iudicat. Perspicitur aliunde nonnullis certis positis formulis, iudiciorum perennitatem fuisse communem; et quae, vel quot individua, quas lites, vel crimina, iudicaria complectatur potestas; et quando incoandi iudicii facultas penes actorem fit, vel iudicem, vel legem.

XVI. Et quum nos certas tutasque habeamus leges, quae certis etiam finibus, iudicum numero coerceant, attamen summus dominator magnitudinis suae sublimitati, quaedam, quasi suo iure, vindicavit, ut novorum eventuum, factorumque cognitionem, dandarumque veniarum potestatem; quibus res extra ordinem tribuit, minuit, derogatque legum suarum severitati. Quae quidem potestas ac facultas nuncum remedium est ad ea tollenda mala, quae evenire quandoque in his rebus possent, quibus a legibus consultum satis non est. Illaque

pōtestas his in casibus, unico omnipotentiam suam exerit, legis scilicet generalis imperium, in legem particularem; et hic satis cautum est, ne iterum nimiae severitatis exempla horreamus vel Locrensis Zeleuci, vel L. Bruti. Quibus expositis ex hac ipsa legislationis, potestatumque distributionis perfectione etiam prono alveo fuit, iudices in iudicando eorum rescriptorum recolare auctoritatem (licet generalibus constitutionibus adversentur) quae vel respectu alicujus individui bonum vel communitatis, ubi causa casset qua Lex servabatur, legem remittunt; (1) vel quia cum requirant lex materialem causam in qua versetur, hac deficiente, obligatio casset; vel cum lex non consistat nisi in voluntate legislatoris, id recte praecipientis, hac ob justam causam deficiente sanctio casset; (2) quia supponitur in hac hypothēsi antecedentem humanam legem non extare. Cognita itaque, prout nunc est, iudicis natura, adsertaque potestatum aequa divisione, ne quis tamen putet, eorum munus in se minus sanctorum habere. De iudicium dignitate dicam ex muneris necessitate occasionem sumens. Quod enim nobilissimum clogium derivare in se magistratus possit, quam illud, quod ab humanae societatis natura ejus manus expetatur, requiratur, postuletur? Utpote qui cum auctoritatis exercitium novam subditos inter, et Dominatorem relationem constituit, veluti quodam vinculo legislatorem et cives coniungunt atque alligant. Haec autem vel ipsa res expetere videtur ut animadversio quaedam instituitur, qua ratio constet, cujus ergo, iudices neminem illam, quem diximus constituent, quo haec duo extrema iungantur.

XVII. Civibus legislator agendi praescribit normam; qua in praescribenda, propositum ante oculos habere commune bonum debet; quod non modo continetur positivi boni sanctione, verum et iuribus hominum non laedendis. Lex enim ut humano generi proficeret, non solum illud eripere debet et sensum semita, quo peritura trahit natura, sed ex ipsa corruptione consilium capere, atque ipsas hominum affectiones non extinguere sed ad honestatem undequaque dirigere, ut ad propositum finem rectam honeste procedant, et inde virtutes emanent. Praeterea Lex illud unum praecipiat oportet, quod ejus est potestatis, nec alterius progrediatur; et innoctia etiam idcirco prohibere, ne inde perniciem in hominum genus oriat; nec enim illa id sibi sumere debet, ut velit humanam naturam absolute immutare; nam si Naturam expellas furca, tamen usque recurret. Legislatoris denique mens, aequalem debet virum distributionem in legibus ferendis servare, et homines moraliter sumptos respiciens ut pares, itemque idoneos ad virtutem, omnibus onus aequa proportionem distribuere: qui enim privatis commodis servit, et irrationali arbitrio utitur, discernere nescit an comparata ad communem distributionem ejusdem oneris vis, ab omnibus qui inaequalibus pollent vicibus sustineri possit.

XVIII. His autem salutaribus institutionibus in civilium officiorum plenitudine responde-

(1) *L. venditor §. 1. D. comm. praed. L. 2. C. pro quib. caus. serv. L. si quando C. de op. pub. L. si Locus §. 1. D. quemad. serv. amitt.*

(2) *Ad fidelitatem* inquit D. Thomas 2. 2. q. 95. art. 4. „dispensatoris pertinere ut in-
tensionem habeat ad commune bonum: indi-
cari enim videtur necessarium esse ad justam
dispensationem ut causa ejus sit necessitas
aliqua publica vel communis utilitas “ Cui So-

lus concinit dum scribit Lib. 7. de Just. q. 4.
art. 3. „Dispensationem non posse esse ju-
stam nisi in commune bonum cadat: nam si-
cut Lex pro communi bono constituitur, ita
pro illo dispensanda est. “ Quibus sententiis
major accedit auctoritatis vis ex Tridentino
Concilio, quo cautum est, „Leges tantum de-
bere relaxari ut communi utilitati satisfiat.
Sess. 25. Cap. 18. De Reformat.

re, subditorum est. Haec autem officiorum consensio et plenitudo totam earum particularium rerum vim tolleret, quibus homines adducti ab iisdem officiis, distrahantur. Verum homines in quotidiana agendi ratione saepe a rectae intelligentiae dictatis recedunt, quae adhaerere, quaeque sequi deberent. Plerique consentione quadam incredibili partem sui potiorē eam esse putant, quae sensuum instrumentum est, quod huius sit evolutio prior et usus in vita frequens, eaque afficiamur vehementer omnes. Quae contra intelligentiae ac rationis particeps est, ea prope confunditur cum vanis imaginibus iis, quas a Corporibus fluentes olim somniavit Epicurus. Nam etsi haec intima nobis inhaereat, ac plane coelestem vim, et naturam habeat, minus est tamen familiaris, exeriturque serius, et loniores quam sensuum motus cogitationis sunt. Rerum autem exterarum esse illas excellentiores autumant, quibus incitatus promoveri solent; et majores quae latiorē occupant quasi locum in animo perturbata mentis agitatione quodammodo inflatae, veluti aqua subditis ignibus effervescentes. Quare missis rebus imagines earum contuemur admiramur amplectimur; ex his bonorum genera definimus, in species tribuimus, ordinamus; vniūque singulis ac naturam affingimus. Ita bonis, eorumque gradibus descriptis ex simulacris iis, quae a sensibus inchoata vis imaginandi perfecit et expolivit, cum deliberandum est quid appetere oporteat, alterive praeferre, non ea quidem convenientia spectatur, quae rerum nobiscum est, sed exquiritur unice, qua ratione comparata sicut inter se signa illa, quae nostri ac rerum ipsarum vicaria successerunt. Meliori pacto colligere profecto non poterat C. Iacobus Stellini (1) humanarum opinionum ac deceptionum varietatem circa boni notionem. Hinc homines intellectu ignorantes, voluntate corrupti a teneris unguiculis, ut ita dicam in iusti, perfecta egent ratione, ad quam singulorum ratio ordinetur, quam in agendo eorum iuribus, eorumque officiis mutuo collisis, iudicibus opus habent, qui aeternas veritatis spectantes regulas sua unicuique tribuant.

XIX. Haec itaque iustitiae administratio legum finem subditorum proximum facit. Quod si Lex humanorum iurum custodire, publicaeque debeat utilitati consulere, nec possent, omnes articuli singulatim, aut legibus aut Senatusconsultis comprehendere, uti dictum a Iulio Juliano (2), iudicis inanis est, qui facto cognito, perspectaque legis sententia, ad eam exequendam pro publico bono ejusdem legis vi utatur. Quod si lex externis subditorum actionibus sanctionem suam finiat, suamque ipsa auctoritatem certis limitibus contineat, iudicis est ultra exterarum actionum Corticem, si ita loqui fas est, introspicere, et quam maxime fieri potest majorem minoremve earum moralitatem metiri, dispicereque; utrum in hanc etiam Lex animadvertere voluerit, et ad rectum eas reducere. Quod si lex tandem obligationes praescribat, eaque pro cuiusque viribus distribuatur, iudicis est singulas cuiusque vires expendere, et pro iis ut fidem liberent exposcere.

XX. Hinc magnopere elucet quanta iudicum muneris sanctitas sit ac sublimitas. Sanctitas quidem ab ipsa dimanat natura iudicii, quod proprie unius Dei est: Inter enim aequales natura homines, Is qui eos fecit, ipsique ordinis viam praemonstravit, Is, inquam, unus ut iudex esset oportebat. Eum revera sic coluerunt homines etiam falsorum numinum cultores in politica eorum infantia, et ad iudicia Dei confugerunt barbarae gentes, ut armorum suorum iudicia firmarent. Sublimitas autem ab officii singularitate proficiscitur, et quia ex

(1) *De Ortu et progressu morum Specimen*.
Cap. 2. 3.

(2) *L. 12. D. de Legib.*

innumeris eadem natura praeditis quidam tantum deliguntur, qui cognitam habeant, administrentque justitiam; et quia his viam instruit ad inopum patrocinium, utpote qui facilius vi, injuriisque improborum impetuntur. Verum sunt et alia majora. Legislator regulas praescribit quae generales, simplices, omnibus eadem sint. Verum inquirere quid ab individuis, quae corporis habitu varia sunt, una eadem regula expetere possit; inquirere quomodo ejusdem regulae violatio, et pro majore minoreve compressa latratum conscientiae vi, quos natura et Lex gigneret, et pro injuria gravitate, quae ex actionis pravitate illata alicui sit, et pro ipsius criminis patrandi ausu, plus minusve improbitalis importet, haec inquam omnia tanta sunt, tantamque mentis excellentiam requirunt, tanque publicae intersunt utilitati, ut ille qui his perfecte respondeat, ille, inquam, sanctissimus sit, quum Deus ipse de ejus muneris sublimitate locutus, dixerat *Dii estis* (1).

XXI. Necessaria demum hominis ab aliqua auctoritate dependentia, quae etiam ab ejus socialis naturae essentia oritur, nobilissimam ultimo loco argumentum est, quo planum fiat, judicariam potestatem utilissimam esse. Necesse nam est, ut ad nostrae rationis praesidium coloremque aliorum prudentia utamur, qui praediti sapientia et consilii gravitate, nostrae rationis defectui suppleant. Atqui si multiplex commodum est pro multiplici numero eorum a quibus affertur, auctoritas quidem judicaria amplissima hoc in sensu est, itemque utilissima. Nationes quae divinatione utebantur, maximi faciebant oracula. Ast oracula judicaria in hominum agendi rationibus, confictae oraculorum illorum auctoritatis vim magnopere exuperant: quam et institui opus fuit, cum urgeret necessitas, dum iudicium e contra auctoritas justitiae est affinis. Potissimum ergo habemus rationem, quare (praeterito observantiae cultu, qui vel datis privilegiis, vel frequentium concomitantium pompa, vel formalis constitutis, ab ipsa Societate ipsis tributus est) ipsa publici iudicii natura majorem in se venerationem habeat; eo ferme pacto, quo nos firmis lateribus hominem, fabrumque in arte sua excellentissimum, non miramur solum, sed nostrae etiam volumus inservire utilitati. Leges tanquam agriculturae instrumenta sunt; quae quavis a fabro construuntur, attamen si valida desint brachia, quibus adhibeantur, nunquam desideratum finem producerent: jam fabro legislator, brachiis vero iudices comparentur. Horum vero praestantiam cum nos miramur, eo quo ab his distamus perspecto intervallo, nostram erga eos sentimus venerationem augeri. Ex quo illud fiat necesse est, ut praeter iudicandi auctoritatem, utiliore opinionis auctoritate iudex fruatur.

XXII. Quum hujus tamen auctoritatis exercitium ita comparatum non sit, ut eorum incommodorum tollere possibilitatem possit, in quae ipsi iudices possent offendere, sequitur ita institutum iudicem esse oportere, ut caeteris virtutibus necessario antecellat. Hinc ergo existimo, Romanos omnimodas in iudicibus virtutes exposculare debuisse. Politica enim veritas est, universam Civitatum felicitatem, si Lex a publicae beatitudinis desiderio manare intelligatur, in civium erga Magistratus observantia, Magistratuum erga Leges veneratione consistere. Cum mihi tamen evolvendi characteres sint, quibus iudices ornentur ad sublimiora ascendam principia, ad Dei scilicet ipsius verba. Quum enim Moysi jussit, ut iudices ex populo eligeret, qui ius dicerent in Israel, viros voluit „ potentes, et timentes Deum, in quibus sit veritas et oderint avaritiam „ (2). Quare in omnia quae in iudice prorsus requiruntur: quae majoris evidentiae et brevitas gratia in sapientiam distribuam, cujus timor Domi-

(1) Psalm. 81.

(2) Exod. XVIII. 21.

ni initium est; quaeque cognitionem continet veritatis: in sapientiae amorem, quo veritatis amor continetur; in constantiam demum et fortitudinem, qua auctoritatis amplitudo firmatur.

XXIII. De sapientia igitur disserens, aptum videtur Sapientis orationem in medium afferre, quam D. O. M. adprecabatur ut daret Servo suo cor docile, ut „populum suum iudicare „posset, et discernere inter bonum et malum „(1). Boni itaque malique cognitio universam sapientiam iustitiamque importat. Quaedam enim sunt veritates, quae nobis ita natura inditae sunt, ut semel ac humano intellectui sese obijciant, veluti hominum finis, ac sublimis meta aperte ac dilucide apprehendantur; quae vero primo intuitu comprehendi non possunt, quilibet tamen prudens rerum estimator facile per ratiocinium assequitur. Hinc fit ut hominum actiones, quae veritatibus istiusmodi conformes sunt, dignoscantur bonae, quae vero discrepant malae; adeo ut ejusmodi comparatio hominum intellectui firma sit atque perspicua tessera discernenti actiones bonas a malis; atque ita moralis quem dicimus ordinis, rationumque moralium tota ratio efformetur. Quod igitur ad jus reddendum veritatum cognitio a iudice primo consideranda sit, postulat ipsa intellectus natura. „Nam vero mens in summo constituta fastigio dignitatis, id in animo, quod in civitate Lex est „(2) Hinc inde videtur iudicis esse mordicus veritatem tenere, et ad veritatis normam intellectum instituere. Et quam leges veritatum complexum efficiant; (Nam ut Vicius ait, illud *verum* quod est in legibus, splendor quidam est ac lumen, quod ab ipsa naturali ratione diffunditur; veluti saepe facti: vulgaresque etiam latini scriptores ab Augusti aeo de iustitia disserentes dicere consueverunt *verum est pro aequum est*) (3); Legum scientia ita apud iudices comparata esse debet, ut in obvenientibus negotiis earum vim perscrutentur, atque sententiam.

XXIV. Ast sicuti veri cognitio ad intellectum pertinet, illius tamen amor est voluntatis officium. „Diligite lumen sapientiae omnes qui praestitis populis „(4) Et quoniam proprium amoris est, ne quid delectationis, nisi ab eo quod diligitur habeatur, iustitiae amor ejusdem iustitiae lumen et cognitionem ac bene gerendi voluntatem servat. Id quod prorsus est, liber ille publici boni amor, quo viriliter ad comprimendam vim, injuriasque tollendas excitatur, quae universae socialis ordinis vincula dirumpunt: Amor ille est passionum illecebris, auroque cedere nescius: Amor ille est in periculis audax, nec unquam parcens laboribus ad falsas litigantium consecutiones, dolumque malum, injuriaque, et quae inter individuales actiones est earumque moralitatem, proportionem discernendam: Amor ille est, qui eo augeatur, quo major fiducia est, quam Lex in illo positam habet, et ob quam hominis cordis sensus investigat, relationum influxus, quantitates, qualitatesque rerum perspicit, et eventuum veritates: Amor ille demum est ex quo sollicitudo effluit undecumque ea omnia intelligendi, quae ad ejus mentis culturam conducere videntur, quo fit ut omnibus legis characteribus instructi sint, et legum similes efficiantur. „Optandum, ait Cicero, ut qui Reipublicae, cae praesunt legum similes sint. „Quae quidem omnia eo conducunt, ut iudex sic se cum societate componat, veluti unusquisque cum suis affectionibus componatur, necessum est.

XXV. Restremo loco constantia est ac fortitudo: quarum nomine hic sancta illa severitas venit potentissimis ipsius pietatis blanditiis cedere nescia, quae in se cunctam legis stabilita-

(1) *Regum Lib. III. Cap. 3.*

(2) *Maximus Tyrius Dissert. XII.*

(3) *Giam Battista Vico de Principiis d'una*

Scienza Nuova etc. Dignità CFIII.

(4) *Sapient. VI.*

tem continet, atque austeritatem. „ In severitate judicis sita est legum auctoritas „, ait Demosthenes (1). Quae quidem fortitudo et constantia haudquaquam in verbo et litera constat. Humanae actiones tum inter se, tum etiam cum causis, quarum gratia fiunt, arctissime connectuntur. Istiusmodi relationum cognitione, quae ab objectis, quibus septi sumus proficiuntur, ea coalescit prudentia, qua quaelibet actio ut naturae ordo postulat, proprio constituitur loco, adeo ut facile quisque perspiciat, utrum genuinis iustitiae regulis actio informata sit, nec ne; ejus ordinationis praxis, ea est quae striete *aequitas naturalis* vocatur. Cum autem hominum actiones infinitae esse possint, ac novis semper, variisque circumstantiis consociatae, leges e contra, si cum iis comparentur, exigui numero sint, actiones omnes ad Legem striete referre illud est, quod propriae summum jus vocatur. Nam ex adverso naturalis aequitas legem facit accomodans, illius lenit asperitatem, quae aliquin indistincte adplicata interdum injustitiam inducit. Tamen necessaria haec divisio habita est, ut Aristoteles eam distinxerit a jure scripto (2) et Cicero a consuetudine illam secernens, aequitatem jus conveniens vocaverit; atque in IX. Philippica Servium Sulpitium „ quod ea quae proficiscebantur „ a jure civili semper ad aequitatem referret „ laudavit, et pro Cecina Cnium Aquilium „ quod juris civilis rationem nunquam ab aequitate sejungeret „ commendavit. Itemque Imperator Constantinus non dubitavit asserere (3), „ placere in omnibus rebus, praecipuam esse „ se iustitiae aequitatisque, quam strioti juris rationem. „ Quin iuvo inter juris regulam locum obtinuit, nam Paulus „ in omnibus quidem, maxime tamen in jure aequitatem spectantem „ dam esse „ docet. (4) In hac igitur judicis mens maxime versari debet, ut cum legum integritatem custodiant, oculos non abducant ab ipsa iustitia, quam summum illud jus quandoque posset impetere. Nam ut Vicus ait „ *L'equità naturale della ragione umana tutta spiegata, è una pratica della sapienza nelle jaccende della utilità; poichè sapienza nell'ampiezza sua altro non è, che scienza di far tal uso delle cose qual esse anno in natura* (5).

XXVI. Mihi inde videor metam attigisse, quin vero me ex recti via excidisse pertimescam. Quae quidem omnia quae a me hactenus dicta sunt non eo me dixisse profiteor, ut iudices sapientesque viros, qui mihi adfuerunt ad istiusmodi principia, atque praecepta revocarem, sed ut impositi mihi muneris, officiique legibus, pro virili parte satisfacerem. Concludam itaque: Anastasii Augusti Lex, de qua verba feci, remotum praesagium fuit illius legalis mutationis, quae postea facta est. Populus qui per universum, prope dicam, terrarum orbem victicia arma circumferat, diu foris et bello occupatus, ad vera juris naturalis principia ascendere nequit (6). Experientia vero edoctus fuit, in circumstantiis iis, legum latorum voluntatem ipsam non esse iustitiam, proindeque tantum judicibus auctoritatem committi opus esse. Caeteroquin iudices quoque homines erant, ideoque deceptionis capaces: Principes vero è contra animadvertentes in praeteritos profectus atque errata, ve aequae juris naturalis principia Christianae religionis gratia dispicientes, eo devenerunt, ut quid concedi vel negari oporteret, cognoscerent: Usus ab ignorantia inveci sublatus est, constituti autem qui ex ratione proficiunt: Mores quales esse deberent perspectum est, quorum honestate legum imminutus est numerus. Existens actionum moralitas, et Lex aeterna perfe-

(1) *Cont. Mid.*

(2) *Rethor. I.*

(3) *L. 8. C. de jud.*

(4) *L. 90. D. de divers. reg. jur. ant.*

(5) *De Principj d'una Scienza Nuova, Dignità CIX.*

(6) *Condillac Histoire Tom. XVI. Chap. 2.*

eta, quam Deus ipse in hominum corde inculpsit, (cui omnia conformata hominum instituta sint, quae propter naturales necessitates, ex ipsa hominum natura profluentes solum nascantur) iudices certo non erunt, qui iustitiam fingant, sed qui animo pacato et quieto hasce adplicare regulas debent, ut conveniens a turpi secernatur. Haec deum quomodo sublimis haec Vici sententia est confirmata „ *Gli uomini prima sentono senza avvertire, dapoi avvertiscono con animo commosso, e perturbato; finalmente riflettono con mente pura* (1).

(1) *De Principj d'una Scienza Nuova Dignità XLVIII.*

Poteris imprimi si videbitur Rev. P. M. S. Palatii Apost.

B. Cristaldi Rector Deput.

I M P R I M A T U R

Si videbitur Rev. P. Magist. Sacri Palatii Apostolici .

J. Archiep. Damascen. Vicesgerens .

I M P R I M A T U R

F. Philippus Anfossi Sacri Palatii Apostolici Magister .

V111
1546034